

Club da tennis Trun

Protocol dalla radunonza generala dils
18 da mars 2022 allas 20.00 uras el café Tschut



GLIESTA DA TRACTANDAS

1. Beinvegni ed appel
2. Elecziun da dus dumbravuschs
3. Protocol dalla radunonza generala 2021 (publicaus sin www.ct-trun.ch)
4. Rapports annuals
 - a) president
 - b) meinaturnier e meinagiug
 - c) cau da juniors
5. Rendaquen
 - a) quen annual
 - b) rapport dils revisurs ed approbaziun dil quen
6. Elecziuns
 - a) cassier/a
 - b) revisur/a da quen
7. Mutaziuns
 - a) entradas
 - b) extradadas
8. Fixaziun dallas contribuziuns
 - a) annualas
 - b) affitaziun dils plazs
9. Damondas da pagar anavos quotas da fatschenta
10. Orientaziun lotto
11. Program / termins 2022
12. Varia

Mars 2022

per la suprastonza
il president: Ramun Venzin

1. BEINVEGNI ED APPEL

Il president Ramun Venzin fa in cordial beinvegni alla radunonza generala che ha liug uonn el café Tschutt. In beinvegni special admetta el als commembers d'honor Gion Petschen e Venanzi Nay. Per far appel han ins schau cursar ina gliesta da presenza. Silsunter vegn la gliesta da tractandas prelegida ed approbada unanimamein.

2. ELECZIUN DA DUS DUMBRAVUSCHS

Sco dumbrauschs vegnan Tajana Pfister e Silvio Albin elegi.

3. PROTOCOL DALLA DAVOSA RADUNONZA GENERALA

Il protocol dalla davosa radunonza generala ei staus publicaus sin nossa pagina d'internet. Aschia ha mintgin giu la pusseivladad da leger quel. Demai ch'ei dat neginas damondas e neginas objecziuns per amplicaziuns vegn il protocol approbaus unanimamein. Il president engrazia alla actuara per la redacziun dil protocol.

4. RAPPORTS ANNUALS

a) president

Suenter mia elecziun alla radunonza a scret ha ei giu num prender las hottas enta maun e preparar la sesiun da tennis 2021.

Sco εμπrem, suenter ina seduta da suprastonza ha ei giu num organisar la preparaziun dils plazs. Uonn havein nus fatg quei en lavur cumina. Cun agid da giuven e vegl havein nus saviu far quei per nossa cumpleina cuntentientscha. Igl ei stau bi da veser che tut tgi che ha saviu ei vegniu a gidar il venderdis encunter sera sco era la sonda, cun il responsabel Urs Pfister. Agl Urs in grond engraziament sco era a tut ils stai presents/as quei di.

La scala da crap avon la casa dil club era schon dapi daditg en in stan fetg schliet, era la preit da trenar era d'ina vart sfundrada ch'ins stueva temer ch'ella savessi sederscher.

Demai che la firma Berther SA da Mustèr haveva la lavur da dismetter ils sochels da betun dallas petgas d'electricis allontanadas, vai jeu priu si cuntact cun ils responsabels e vai saviu marcar ora in fetg favoreivel prezi per quella lavur. Sco vus haveis saviu seperschuader sez cun in resultat fetg cuntenteivel. Da cheu anora alla firma Berther SA in grond engraziament per la culanza enviars nies club cun exequir quellas lavurs.

La sesiun da tennis havess giu entschiet cun in camp da tennis a Locarno, denton muort corona havein nus per la secunda gada buca saviu menar atras quel. Enstagl ha la responsbla Martina Nay organisau in camp da trenament sin nos plazs, leu nua che tut tgi che ha vuliu ha saviu far part. A la Martina in grond engraziament per mintg'onn organisar quella entschatta dalla sesiun.

Cun 6 gruppas d'Interclub havein nus entschiet en la sesiun vargada. En la Surselva la pli gronda participaziun. Quei han las equipas fatg cun grond success, cun saver mintgamai dar la promoziun en lur ligias. Quei ei era in mussament che nus essan sin la dretga via, perquei dallas equipas d'Interclub dependa pil pli il success era l'activitad dad in club. In grond engraziament a tut ils giugadurs e giugaduras ch'ei s'engaschai.

Ils turniers usitai Cup Crestas e Cup Punteglias havein nus era saviu menar atras per cumpleina cuntentientscha dil meinagiug Simon e dalla suprastonza. Ils datums ein vegni stuschai anavos, ord motiv digl Interclub che ha cuzzau pli ditg. Malgrad quei fatg havein nus giu ina

participaziun cuntenteivla. Engraziar lessel jeu cheu a quels che han segidau cun il Simon, aschia ch'el ha buca grad stuiu star naven dalla damaun entochen la sera sil plaz da tennis.

Il turnier dil club ei quel che ha schau anavos ina empau schliata regurdientscha. Cun ina preschientscha da 11 umens e mo 6 dunnas ei quel staus fetg magers. Ils motivs ein grev da dir, forza ch'il datum ei curdaus en mal ni era forza tuttina la corona. Seigi sco ei vegli, egl onn vegnent fuss ei schon bi sche pli bia giugaduras e giugadurs fagessan part a quei turnier.

Las duas seras dil club che nus havein organisau ein stadas buca schi mal frequentadas, aschia che nus vegnin a cuntinuar en quella moda vinavon, fagess plascher sche vus separticipais vinavon a quellas seras che promovon era il contact denter ils commembers/as che dattan buca Interclub. Il lotto 2021 ch'ei ina petga impurtonta ordvart las finanzas havein nus buca saviu menar atras, il motiv ei a tuts enconuschents. La gruppa da lavur dil lotto sut la bitgetta da Silvana Guldemann han fatg las stentas da vender empau dalla rauba, oravontut quei cun garanzia, denter ils commembers/as dil club cun exponer la rauba en la casa dil club.

Deplorablamein ha quei buca purtau gronds fretgs e nus havein stuiu purtar bunamein tut puspei anavos si surcombras en casa da scola.

Jeu lessel dacheu anora haver engraziu a tut quels che s'engaschan per nies lotto ch'ei fetg impurtonts per nies club. Era sch'il quen dad uonn ei buc aschi mals, vesess quel ora cun in lotto tut auter, perquei in grond engraziament alla Silvana sco responsabla, a Karin Peng, Lea Alig, Carmen Bearth ed Silvio Albin.

Organisar in lotto ei ina lavur stentusa che pretenda in cert temps ed in grond engaschi dils responsabels. Nus fussen era leds sche commembers/as dumandai dils responsabels, sedessan prompts da segidar cun organisar e recaltgar premis.

Ils 7 da matg 2021 a caschun dalla radunonza generala dalla uniun da tennis Grischuna ei nies commember d'honor Gion Petschen vegnius elegius ella suprastonza cantunala. Da cheu anora en num dil club cordiala gratulaziun per quella nova sfida.

Sco davos s'auda ei a mi d'engraziar. Engraziar lessel jeu al Venanzi ed a l'Erna Nay che miran che nosa infrastruttura seigi en in bien stan e quei fan els cun cumplein engaschi, nus astgein esser loschs da quei bein manteni indrez da tennis cun casa che nus astgein guder.

A mes consuprastonts/as admittel in grond engraziament per lur lavur mintgamai en lur ressort durant igl entir onn ora. Els fan lur lavur per cumpleina cuntentientscha e cun grond engaschi.

E sco davos a vus prezias commembers/as che vus s'engascheis en favur da nies club seigi quei cun dar Interclub ni cun vossa preschientscha allas occasiuns purschidas.

b) meinagiug e meinaturnier

Niev post en suprastonza

Suenter 4 onns sco cau da juniors sun jeu seratratgs da miu uffeci sco cau da juniors e surprendel il post da meinagiug sco era da meinaturnier dil Silvio Albin. Cun tut la lavur ch'il Silvio haveva fatg ordavon ei quei stau fetg sempel da surprender quei post. L'entschatta mars haiel jeu lu priu part al cuors sco Official da swisstennis. Aschia eis pusseivel a mi da menar atras ufficials turniers da tennis.

Preperaziun sesiun 2021

La sesiun da tennis stat avon porta ed igl ei temps che nos plazs e la casa dil club vegnan puspei pinai per la sesiun da tennis. Nus havein fatg lavur cumina la fin d'jamna dils 16 ed ils 17 d'avrel 2021. In grond engraziament a tut quels che han segidau.

Muort las mesiras dil cussegl federal havein nus era uonn buca saviu ir a nies camp da tennis el Tessin. Quel havein nus denton priu suenter la fin d'jamna dils 8 e dils 9 da matg 2021 a Trun. Da mia vart in grond engraziament alla Martina Nay per l'organisaziun dil camp da tennis.

Resumaziun sesion d'Interclub 2021

Mesiras da COVID-19 han era fatschentau nus l'entira sesion vargada. Ord ils motivs enconuschents da COVID-19 ei la sesion d'Interclub 2021 vegnida stuschada la primavera per treis jamnas. La davosa jamna dil matg eisi finalmein iu liber cun la sesion dad Interclub. La sesion dad Interclub ei denton puspei vegnida menada atras tut normala uonn. Vul dir che tut las equipas han saviu dar tut ils giugs e cumbatter per la relagaziun ni la promoziun. Las preparaziuns, ils trenaments e giugs ein stai signai duront l'entira sesion dils differentes concepts da schurmetg. Las mesiras principalas dalla higiena cun lavar ils mauns avon che entrar sil plaz, tener la distanza prescreta, buca dar il maun avon ni sunter ils giugs, pachetar ils smaccai denter en folias, menar gliestas d'adressas duront ils trenaments, gliestas da contact dils aspectaturs duront giugs da campinadi e turniers, han accumpignau nus naven dalla primavera entochen igl atun. Cunzun pils capitani eis ei buca stau aschi simpel da setener cun lur equipas vid las mesiras da schurmetg.

Emprema ligia damas

Puspei ina sesion suverana dalla damas d'emprema ligia. Inagada dapli han ellas contonschiu igl empren plaz en lur gruppa. Igl empren giug da promoziun han ellas gudignau claramein encunter l'equipa da Turitg. Las adversarias ella secunda runda da promoziun, medemamein ina equipa da Turitg, ein denton statas memia fermas. Per la proxima sesion mida l'equipa categoria e dat danovamein ella 1. ligia dallas damas 30+.

Rangliste

	Pt	Sätze
1 Trun	11	24-17
2 Oberrieden	9	20-19
3 Engematt	8	16-22
4 Grasshopper ZH	8	19-21

Aufstieg

Runde	Datum			
4	3 Juli	Trun	*TIBE	5:1
5	28 August	*Trun	Sportcenter Blue Point	1:5

Secunda ligia damas

Era nossas giuvnas che dattan gia per la quarta gada campinadi han giu grond success e terminau il campinadi sin il secund plaz da tschun equipas. Per gest in punct han ellas muncentau igl empren plaz ed ils giugs da promoziun.

Rangliste

		Pt	Sätze
1	<u>Landquart</u>	19	40-13
2	<u>Trun</u>	18	37-15
3	<u>Sevelen</u>	12	26-25
4	<u>Pizol 2</u>	10	23-29
5	<u>Triesenberg</u>	1	2-46

30+ tiarza ligia damas

Era las senioras giuvnas han giugau ina buna sesiun e gudognan treis giugs cun clars resultats. Encunter duas equipas han ellas spiars ed aschia fatg las secundas en lur gruppa.

Rangliste

		Pt	Sätze
1	<u>Ilanz</u>	24	50-13
2	<u>Trun</u>	21	44-22
3	<u>Speicher 1</u>	19	40-24
4	<u>Domat/Ems</u>	15	31-33
5	<u>Schaan</u>	8	18-45
6	<u>Disentis</u>	3	9-55

40+ tiarza ligia damas

Las senioras dil club demuossan medemamein ina buna prestaziun e termineschan il campinadi sin il quart plaz cun medem bia puncts sco las tiarzas. Las equipas da Flem e Rhazüns ein stadas intec fermas per quella gruppa.

Rangliste

		Pt	Sätze
1	<u>Rhazüns</u>	17	35-16
2	<u>Flims</u>	15	33-19
3	<u>Altstätten</u>	10	24-28
4	<u>Trun</u>	10	21-32
5	<u>Grüsch</u>	8	16-34

Umens 3. ligia

L'equipa dils umens ei segiramein ida cun bia ambiziuns ella sesiun e leva far il pass anavos en secunda ligia. Tochen il davos ha ei buca tunschiu diltut ed els han fatg secunds en lur gruppa. Per gest in punct han els muncentau igl emprem plaz.

Rangliste

	Pt	Sätze
1 Rhäzüns	26	55-26
2 Trun	25	55-27
3 Trin	15	33-45
4 Club da tennis Danis-Tavanasa	13	34-51
5 Bonaduz 2	11	25-53

45+ secunda ligia umens

Ils seniors han puspei mussau ch'els s'audan cun raschun sin quei scalem ella secunda ligia. La squadra terminescha la gruppa sin il secund rang ed ha astgau dar per la promoziun. El giug da promoziun ha l'equipa da Grabs lu denton schau negina schanza als seniors e fatg turnar els anavos ella Cadi senza haver gudignau in giug.

Rangliste

	Pt	Sätze
1 Ilanz	15	32-16
2 Trun	11	27-21
3 Club da tennis Danis-Tavanasa	10	24-26
4 Davos	6	14-34

Aufstieg

Runde	Datum			
4	4 Juli	*Grabs	Trun	Z:0

Termins impurtonts e sesiun d'Interclub 2022

La fin dalla sesiun ei mintgamai era l'entschatta dalla sesiun nova. Fin digl onn 2021 havein nus stuiu annunziar las equipas per la nova sesiun. Legreivlamein ein puspei tut las equipas dalla partida. La sesiun d'Interclub 2022 entscheiva la fin dall'jamna dils 7 e 8 da matg 2022.

Fetg legreivel ei era ch'il camp da tennis sa uonn ualti segir puspei inaga vegnir menaus atras el Tessin.

Seras dil club 2021

Igl onn 2021 ha la suprastanza decidiu da menar atras duas seras dil club cun uustria e grilladas. Las duas seras ei stadas occupadas nuota aschi mal, savess denton esser meglier. Dalla suprastanza essan nus dil meini da schar vinavon quei sistem.

Turnier da divertiment d'Anceinza 2021

Il турниr da divertiment ha buca giu liug muort corona.

Cup Crestas 2021 / 16-18.07.2021

Muort la sesiun d'Interclub ch'ei vegnida stuschada ha era il Cup Crestas giu liug pli tard che normal. Vegniu giugau eis ei ellas suandontas categorias: umens R5/R9, umens R7/R9 e dubel-mix R1/R9. Cun total 21 participonts ellas categorias da singuls ed 11 equipas tiel dubel-mix, ha il meinaturnier saviu beneventar ina massa participontas e participonts. Tier tut las categorias eis ei vegniu giugau ellas rundas preliminaras en gruppas. Silsuenter han ils miezfinals ed ils finals giu liug.

En quei connex lessel jeu engraziar al Gion Petschen che ha gidau mei da menar atras il турниr durant la fin d'jamna. Cun aschia in agid dad in rutinau va tut pli sempel.

Categoria umens singul R5/R9

1. Pascal Lechmann (R5), 2. Linus Tschalèr (R5), 3. Marcus Cathomas (R6), 4. Roger Vetsch (R6)

Categoria umens singul R7/R9

1. Nicolai Seiler (R7), 2. Patrick Casanova (R7), 3. Gieri Decurtins (R8), 4. Andrin Petschen (R9)

Categoria dubel/mix

1. Andrin Petschen/Carla Flury-Nay (CT Trun) 2. Gion Bundi (CT Mustér)/Sabrina Suppiger-Hendry (CT Sedrun) 3. Simon Lechmann/Tajana Pfister (CT Trun) 4. Yanick Pally/Luana Pally (CT Mustér)

Turnier dil club 2021 / 14-15.08.2021

Igl onn 2021 ei il турниr dil club vegnius manaus atras en treis categorias. Tier ils umens ha ei dau ina categoria dad activs sco ina categoria da seniors. Tier las damas ha ei dau ina categoria. En tut han 11 umens e 6 damas priu part al турниr, quei ch'ei buca grad fetg stupent. Cunzun sch'ins patratga che quater equipas da femnas prendan part al campinadi d'Interclub. Lein sperar sin ina meglira participaziun il proxim onn.

En quei connex lessel jeu engraziar al Venanzi Nay che ha menau atras il турниr durant l'entira fin d'jamna. Cun aschia in agid dad in rutinau va tut pli sempel.

Campiuessa dil club

Tajana Pfister gudogna encunter Natascha Wolf il final dallas damas

Campius dil club

Yanick Pally gudogna encunter Simon Decurtins il final dils activs Urs Pfister gudogna encunter Erich Decurtins il final dils seniors.

Cup Puntegias 2021 / 20-22-.08.2021

Cun 21 annunzias ei la participaziun stada plitost mediocra per il meinaturnier. Eventuell ei il manco d'annunzias era da menar anavos sin ils campinadis grischunes, che han giu liug la medema fin d'jamna. Dus tableaux (categoria umens singul 35+ R7/R9 e categoria damas R4 – R9) ein perfin vegni strihai muort las paucas annunzias.

Categoria damas 30+ R6 / R9

1. Patrizia Fetz (R6) , 2. Daniela Tenz(R7), 3. Petra Duff (R8), 4. Vica Maissen (R7)

Categoria umens singul 35+ R5 / R9

1. Ursin Lechmann (R5) , 2. Patrick Casanova (R7), 3. Simon Lechmann (R7), 4. Gion Desax (R8)

Categoria umens singul 55 plus R5 / R9

1. Luca Billeter (R5) , 2. Claudio Friberg (R6), 3. Caminades Peter (R7), 4. Oreste Iocchi (R7)

Surselva dubel plausch

Quei turnier ha giu liug a Glion igl onn 2021.

Per finir engraziell jeu a tut tgi che ha giugau in ni l'auter da nos turniers, sco era a nossas equipas d'Interclub per il menaschi d'ustria ed als capitans per lur lavur duront la sesiun dad Interclub.

c) cau da juniors

Trenament

Alla entschatta dalla sesiun da tennis 2021 hai jeu surpriu il post dil cau dils juniors. Il Simon Decurtins ha surdau a mi fetg bein quei post e mussau a mi sco tut funcziunescha. Entschiet ha la sesiun 2021 cun l'organisaziun dils trenaments dils juniors e las junioras. Miez mars ein ils taluns d'annunzia vegni reparti el consorzi da scola Trun/Sumvitg sco era scret ora el «Fegl official». Era eisi vegniu schau ir in mail a tut ils participonts dils davos onns. Nus vein retschiert totalmein 14 annunzias, 12 kids e 2 junioras. Nus havein giu uonn specialmein bia annunzias per la gruppa da «kids», quei che ha fatg grond plascher a mi ed jeu sperel naturalmein fetg da puspei saver beneventar ils participonts e las participontas era il proxim onn.

Igl emprer trenament ha giu liug per tut las gruppas ils 5 da matg 2021.

Ils kids ein vegni trenai da Tajana Pfister e Natascha Wolf la mesjamna suentermiezdi dallas 17:00 tochen las 18:00. Suenter siat trenaments han ils affons dau la otgavla ga in pign turnier da finiziun che nossas menadras han pinau tier e menau atrar cun gronda premura.

Ils juniors e las junioras dad 11 - 18 onns ein vegni trenai dalla Tajana Pfister. Cun deplorablamein mo 2 annunzias havein nus fatg ina gruppa da trenament mintgamai la mesjamna sera naven dallas 18:00 tochen las 19:00. Ellas han giu 16 seras da trenament. Per terminar la sesiun da tennis organisavan nus normalmein adina in turnier da finiziun fin settember, quei che nus havein muort collisiun da termins deplorablamein buca saviu menar atras quella ga.

In grond engraziament per il grond engaschi e la fetg buna ed impurtonta lavur en favur da nossas junioras e nos juniors lessel jeu far alla Tajana e la Natascha. La Tajana ha grad surpriu ils «kids» ed aunc la gruppa da «juniors e junioras», igl ei fetg bi da saver luvrar ensemen cun commembers aschi activs che han ina gronda pissiun per il tennis. La Natascha ei seglida en fetg spontan cu nus havevan tuttenina aschi bia annunzias per ils «kids», quei ei stau in grond agid e secapescha buca da sesez. Las junioras ed ils juniors ein il futur da nies club e senza la lavur dad ellas vess ei buca saviu dar in cuors da tennis egl onn 2021. La tscheina da finiziun ha giu liug ils 17 da december 2021 el restaurant „Da Stefano“ a Trun. Nus havein saviu guder ina buna tscheina cun bunas discussiuns e bia leghers muments.

Interclub da juniors/as

Igl onn 2021 havein nus saviu annunziar ina gruppa pigl Interclub dallas junioras.

Las giuvnas han ughegiu in pass anavon ed ein s'annunziadas quella ga cun sia gruppella Liga A ella categoria U18.

Las giugaduras da quella gruppella ein stadas la Dania Petschen, la Luana Pally e la Natascha Wolf. Ellas han gudignau omisduas partidas da gruppella encunter las equipas da Pizol e Glion.

Totalmein han ellas fatg 5 puncts da 6 pusseivels. Aschia han ellas fatg cun ina gronda suveranità las empremas en lur gruppella e saviu prender part als giugs da promoziun.

18&U Girls Liga A - Gruppe 1

Resultate

Runde	Datum			
G1	30 Mai	Trun	Pizol	3:0
G2	15 Mai	Ilanz	Trun	1:2
G3	19 Juni	Pizol	Ilanz	3:0

Rangliste

		Pt	Sätze
1	<u>Trun</u>	5	10-3
2	<u>Pizol</u>	3	6-6
3	<u>Ilanz</u>	1	3-10

L'emprema runda da promoziun han ellas gudignau a Trun cun 2:1 encunter las junioras dad Uster. Era la secunda runda ha giu liug a Trun ed era leu han nossas giuvnas gudignau cun 3:0 encunter la equipa da Tübach. El quart final han nossas giuvnas semesirau cun las junioras dil club «Airport Bassersdorf», il giug han ellas spiars malgrad ina ulteriura fetg buna prestaziun cun 3:0. Las giuvnas han mussau l'entira sesiun in fetg grond engaschi e fetg bialas partidas ed han saviu serrar giu la sesiun cun in remercabel e bein meritau resultat per ellas. La equipa ha fatg gronda reclama per sesez e naturalmein era per il club da tennis Trun, per quei aunc inagada mei, cordiala gratulaziun ed engraziel fetg per la buna collaboraziun.

Finalspiele

Runde	Datum			
1	14 August	*Trun	Uster	2:1
2	28 August	*Trun	Tubach	3:0
3	11 September	*Trun	Airport Bassersdorf	0:3

Tier ils giuvens havein nus deplorablamein saviu annunziar neginas equipas per Interclub.

Cader regional

Igl unviern 2020/2021 ha ei dau negin cader regional, quei ord munconza dad annunzias.

Camp da tennis

Il tennis camp Surselva ei vegnius menaus atras duront la stad duas gadas ella regiun Surselva. Giugadurs, entscheviders ni pli avanzai ord l'entira regiun san separticipar al camp. La responsabladad per il camp ha Roger Lang giu. Igl emprem camp ha giu liug dils 19 tochen ils 23 da fenadur 2021 a Glion e Tavanasa. Il secund camp ha giu liug ils 2 tochen ils 6 d'uost 2021 a Mustér.

Program per la proxima sesiun

Per la sesiun 2022 ein ils trenaments da juniors e junioras puspei previ sco tochen dacheu. Ei fagess naturalmein era grond plascher sche ina ni l'otra gruppa vegn a separticipar agl Interclub da juniors.

La Natascha ei buca pli dentuorn duront la jamna e sa ord quei motiv buca segidar per ils cuors da tennis per juniors. Ad ella lessel engraziar zun fetg per la lavur prestada il davos onn en favur da nos juniors e nossas junioras.

La Tajana vegn vinavon a trenar nos juniors ed jeu vegnel a sustener ella aschi bein sco pusseivel.

Tuttina essan nus adina puspei alla tscherca da trenaders, cunzun per ils juniors. Igl ei fetg impurtont d'anflar persunas ch'eiin promptas da trenar nos pigns e giuvens ch'eiin il futur dil club. Jeu selegrel da mintgin che s'annunzia tier mei sch'el ha interess da daventar trener.

5. RENDAQUEN

a) quen annual

Nossa cassiera Simona Demont presenta il quen e la bilanza per ils 31.12.2021. Cun in total d'entradas da frs. 25'801.08 ed in total d'expensas da frs. 27'379.00 siara il quen cun ina spertida da frs. 1'577.92.

Il president engrazia alla cassiera per la fetg buna lavur prestada.

b) Il rapport dils revisurs

Las revisuras Lea Alig e Petra Duff, han revediu il quen annual digl onn 2021. Ellas san communicar ch'il quen ei vegnius menaus schuber e bein e che tuts mussaments necessaris ein avon maun. Il quen vegn approbaus.

6. ELECZIUNS

a) cassier/a

Simona Demont ha abdicau sunter 4 onns sco cassiera. Il president engrazia ad ella grondamein per la lavur prestada en favur dil club da tennis Trun e surdad a Simona in matg fluras cun in bon. Ils presents admettan in grond applaus.

Per Simona ha la suprastonza anflau Yanick Pally che fuss prompts da suprender il post da cassier. Yanick vegn elegius unanimamein dils presents.

b) revisur/a

Petra Duff ei sedeclarada prompta da tener vinavon il post sco revisura da quen per in'ulteriura perioda d'uffeci. Ella vegn reelegida unanimamein.

7. MUTAZIUNS

Entradas: Ibrahim Bajraktaraj, Agim Bajraktaraj, Vanessa Wolf, Flavio Tuor, Flavia Schaniel, Thomas Ziegler, Fadri Ziegler, Ramon Hanselmann, Yanick Pally, Annalena Guldemann

Las personas numnadas vegnan pridas si el club unanimamein.

Extradas: Albert Decurtins, Silvan Maissen, Thomas Ziegler, Fadri Ziegler, Tim Albin, Claudio Albin, Rita Caduff Albin, Daniel Maissen, Retus Giger, Regula Giger, Renata Decurtins, Alina Wolf, Luana Wolf

8. FIXAZIUN DALLAS CONTRIBUZIUNS ANNUALAS

a) annualas

La suprastonza fa la proposta da schar las contribuziuns annualas sco tochen dacheu. Personas singulas frs. 140.00, conjugals frs. 230.00, juniors 16-18 onns frs. 80.00, juniors 7-15 onns frs. 35.00, inactivs e passivs frs. 30.00.

b) affitaziun dils plazs

La suprastonza fa la proposta da far neginas midadas tier l'affitaziun dils plazs. La contribuziun per hosps munta frs. 7.00 per persuna, denton maximal frs. 14.00 per plaz per ura.

9. DAMONDAS DA PAGAR ANAVOS QUOTAS DA FATSCHENTA

Nossa cassiera Simona ha tratg ord la capiala la numera 84 Rico Defuns e la numera 96 Carli Albin. Il president pren si contact cun quellas personas.

10. ORIENTAZIUN LOTTO

Ramun orientescha ils presents ch'il comité d'organisaziun da lotto enquera ina ulteriura persuna per segidar pil lotto. Ella runda negin che sedeclara prompts, il president supplichescha denton interessai da s'annunziar tier el.

11. PROGRAM / TERMINS 2022

Il president orientescha ils presents ch'ins savess puspei inagada menar atras ina sera da cozzas. Per far quei stuessen ins esser 6 pèrs ed il club survegness ina contribuziun da frs. 750.00.

Ils plazs da tennis ed il contuorn vegnan preperai aschi spert sco l'aura lai tier. La suprastonza vegn ad informar ad uras en caussa.

Simon Decurtins presenta ils datums dils turniers per igl onn 2022. Ils presents prendan enconuschientscha.

12. VARIA

Il president engrazia grondamein ad Erich Decurtins e Silvio Albin per tut la lavur ch'els han prestau en num dil club da tennis Trun. Ils presents applaudeschan. Plinavon engrazia el agl Aldo Peng per adina actualisar nossa pagina d'internet.

Gion Petschen pren il plaid e fa attents ch'ei fussi flot sch'il club havess trenaders da kids. Quels cuors vegnan era susteni dil Cantun. Tajana Pfister orientescha ch'ella vegn a frequentar quels cuors la stad vegnenta.

Silvio Albin damonda pertuccont la hala da tennis a Glion. Il president sa comunicar che quei project vegn buca menaus pli e tut ei vegniu sligiau si, ils cuosts per ina hala eran memia aults.

Il president siara la radunonza e giavischa a tuts aunc ina biala sera.

Pil club da tennis Trun
L'actura
Carmen Bearth-Albin